

controversie tra quelli di la Tana *cum* li acetati da Santa Croce, però sia preso che la parte presa questo Settembre 1525 sia observada, che ogni 2 anni del mexe di Decembrio, quelli lavorano a Santa Croce, almeno siano tolti cinque di loro a lavorar in la Tana, con questo, li ditti siano stati prima 5 anni con maistri a lavorar li a Santa Croce, con certe clausule *ut in parte*. 63, 14, 27.

36 *Da Lion, di sier Marco Antonio Venier el dottor va orator in Anglia, di 24 Septembrio.* Del zonzer suo li, et come erano zonti do oratori scozesi vanno a la Signoria nostra et poi a Roma. *Item*, doman o l'altro dovea intrar il reverendissimo cardinal Salviati, vien Legato di Spagna. Scrive starà do zorni li, poi andarà al suo viazo.

Fu posto, per li Consieri, poi lecto una lettera di sier Jacomo Corer proveditor di Salò, di certo caso seguite de li a di 28 Septembrio pasato in San Domenego di Tusculan, per alcuni sia stà tolti danari et arzenti ad uno frate era li; però che quelli acuserà habbi di taia lire 500, et se uno di compagni accuserà li altri, *dummodo* non sia il principal, sia asolto et habbi la taia; et inteso li delinquenti, possi quelli metter in bando di terre et lochi etc., *ut in parte*, con taia lire 500 vivi, lire 300 morti. 114, 1, 0.

Fu posto, per li Savii tutti, expedir l' orator del Signor turco, donarli ducati 500 d' oro in oro et vestirlo d' oro et li soi di scarlato, *ut in parte*. Fu presa.

Fu posto, per sier Bernardo Justinian et sier Francesco Navaier proveditori sora il cotimo di Alexandria, certa parte, intervenendo sier Alvixe Loredan *olim* Consolo in Alexandria, del 1523 fece presenti di panni di seda di sier Francesco et sier Hironimo Zane per ducati 1312 a li capi di le genti del qu. Ameth bassà, che è rebello al Signor turco, et veneno in Alexandria per prender el Farion volendo sachizar el Consolo nostro et mercadanti eran de li, dimandatoli ducati 15 milia, et fono questi quietadi; però sia preso che 'l cotimo di Alexandria li pagi. 86, 3, 11.

Fu posto, per li Consieri et Savii, che havendosi a far election de li 5 zentilhomeni nostri sopra la causa di monaci di Santa Justina su execution di la parte presa in questo Conseio, et essendo a proposito elezer persone qualificate, l' anderà parte che li ditti 5 zentilhomeni da esser electi non possino refudar sotto pena di ducati 500 d' oro, da esserli tolti da li Avogadori di comun senza altro Conseio, exceptuando quelli del Collegio nostro, per esser

occupati nelli urgentissimi bisogni di la terra. Fu presa. Ave: 134, 17.

Da poi fo andà a capello per far li do savii ai ordini.

Electi do Savii ai ordeni in luogo di sier Marco Marcello et sier Francesco Justinian, non ha provado la età.

† Sier Zacaria Trivixan fo savio ai ordeni, qu. sier Beneto cavalier . . .	125. 54
Sier Michiel Contarini di sier Marco Antonio <i>da san Felixe</i> . . .	100. 86
Sier Francesco Venier fo a l'armamento, di sier Pelegrin . . .	91. 86
Sier Piero Antonio Moro, di sier Fantin . . .	54.127
Sier Zuan Battista Morexini, qu. sier Lorenzo, fo . . .	77. 99
† Sier Piero Zorzi fo podestà a Moncelese, di sier Lodovico . . .	105. 77
Sier Sebastian Zigogna fo avvocato in Rialto, qu. sier Marco . . .	102. 83
Sier Domenego Malipiero fo a la doana da mar, qu. sier Domenego . . .	61.112
Sier Domenego Baffo fo a la taola de l' Invida, qu. sier Matio . . .	93. 81
Sier Beneto Balbi fo podestà a Lonigo, qu. sier Piero . . .	72.105
Sier Alvixe Malipiero, di sier Sebastian . . .	95. 85

36*

Cinque sopra le cose di frati di Corizuola.

† Sier Marco Dandolo dottor, cavalier, fo savio del Conseio . . .	95. 69
Sier Antonio Justinian è di Pregadi, qu. sier Francesco el cavalier . . .	77. 98
Sier Mafio Lion fo avogador di comun, qu. sier Lodovico . . .	44.151
Sier Marin Sanudo fo di la Zonta, qu. sier Lunardo . . .	50.123
Sier Simon Capello fo al luogo di procurator, qu. sier Domenego . . .	66.109
Sier Domenego Pizamano è di Pregadi, qu. sier Marco . . .	50.124
Sier Hironimo Zane fo podestà e capitano in Caodistria, qu. sier Bernardo . . .	86. 86
† Sier Francesco da chà da Pexaro fo podestà a Padova, qu. sier Marco . . .	119. 54